

Jém carta jém jayñeta wiiip jém hebreopic pxiñtam

Dios icutsat jém iManic yíp naxyucmi iga inmadíñ

¹ Wiñigam Dios ijíyáy watciy jém tanjatunwewetam. Varios forma ijíyáy. Chiita jixi jém wiñicpic anmatcwiñ iga inmadayajiñ jém Dios ipixiñtam. ² Pero siip yíp ocmipic tiempo Dios icutsat iManic iga tanmadáyiñ. Yíptim Dios iManic cupinṭa iga imichap itumpiy jém Dios imichi. Jeetim iManic iwaganayoxa Dios cuando mu iwatyaj itumpiy cosa jém itwiiip yíp naxyucmi y jém itwiiip siñyucmi. ³ Agui pimi witsocpa jém Dios iManic juutstim jém tanjatun Dios. Jextim ipimi. Jeetim mismo icuwiñ juuts jém tanjatun Dios. Yíptim Dios iManic iniit icijom itumpiy jém Dios iwati iga iwatpa cuenta con Dios inmafi jém iniitwiiip ipimi. Jesic cuando yaj tacujicháyáy jém tantanca, nic coñi siñyucmi jém tanjatun Dios itrono inwiciimi.

Jém Dios iManic más mij que jém siñyucmic pxiñ

⁴ Accámta jém Dios iManic juuts tum más mijpic anjagooyi que jém siñyucmic pxiñtam. Ipicsonne jeetim ijatunpic iñiyi y jém ijatun ipimi, jeeyucmi más wiap que jém siñyucmic pxiñtam. ⁵ Porque Dios da nunca iñímáy ni tum siñyucmic pxiñ: Mich mamManic. Yíp jama mammanigap.

Datim iñímáy Dios tum sinyucmipic p̄ixiñ:
Mich anJatuj, ich mammanic.

⁶ Pero cuando Dios inimiñ yíp naxyucmi jém
Wiñtipic iManic, nimpa Dios:

W̄i iga itumpiy jém sinyucmipic p̄ixiñtam ijisyajiñ
jém Dios iManic.

⁷ Dios inmatpa de jém sinyucmipic p̄ixiñtam cuando
nim:

Dios icsetpa jém sinyucmipic p̄ixiñtam juuts sawa.
Icsetpa jém icuyoxayajpaap juuts tum jucti tsam
p̄imi yótpa.

⁸ Pero Dios inmatpa de jém iManic cuando nim:

Mich miDios. Mich minjagooyi.
Da nunca miputpa iga minjagooyi.
Iññuumanjacpa jém p̄ixiñtam.

⁹ Tsam iñtoypa jém w̄ibic j̄ixi.

Tsam iñjójixpa jém malop̄ic j̄ixi.

Jeeyucmi micupin Dios, mich iñDios,
más micmaymáyp̄ que itumpiy jém
inwaganasiyajpaap.

¹⁰ N̄imtim Dios:

Mich miQ̄mi.

Mich inwat yíp mundo cuando moj iti itumpiy
cosa.

Inwattim jém sin con in̄ci.

¹¹ Cuyajpa jém sin y jém nas, pero mich da nunca
micuyajpa.

Michíypa para siempre.

W̄idáyp̄ jém sin y jém nas juuts tum yooti.

¹² Impacspa jém sin y jém nas juuts tum puctucu.

In̄cucacpa juuts yooti.

Pero mich da nunca micucacpa.

Ni da nunca micuyajpa.

¹³ Dios da nunca iñímáy ni tum sñyucmipic pixiñ juuts iñímáy jém iManic:

Coñi yim anañwimi hasta que manaccoñwíypa jém íñenemigoyaj.

¹⁴ Jém sñyucmipic pixiñtam tum anama. Icuyoḡayajpa Dios. Jeeyaj cutsatyajta iga iyoxpátyajiñ jém pixiñtam jém ipictsonyajpáppic jém wibic aḡmati iga ciacputyajta.

2

Waṡi cuenta iga da iñchacpa jém wibic aḡmati

¹ Jeeyucmi wi iga más pimi tañwadaytámiñ caso jém wibic aḡmati jém tammatoḡnewip iga odoy tantsactámiñ jém wibic tuḡ. ² Wiñgam jém sñyucmipic pixiñtam inimiñyay jém wiñcpic aḡquímayooyi. Tsam wiquejpa iga da je migooyi. Jém imalwatneyajwip, jém dapic icupicyaj, chiiyajta castigo conforme juuts iwat. Siiga chiiyajta castigo jém dapic icupicyaj jém wiñcpic aḡquímayooyi, ³ ¿jesic jutsap tañciput taichtam de jém mijpic castigo siiga da tañwadap caso jém wibic aḡmati iga Dios wiap taciaput? Jém tánomi Jesucristo oy yip naxyucmi iga inmadáy jém pixiñtam jém wibic aḡmati. Jesic ocmi jém imatoḡneyajwip jém wibic aḡmati tañmadáypatim taichtam iga da je migooyi. ⁴ Dios inquejáytim jém pixiñtam iga numa jém inmati con waṡi jém milagro, jém seña y jém cosa dapic oypa tánix. Jém pixiñtam chiiyajtatim jém Dios iAnama ianamanjom iga wiañ iwatyay juuts ixunpa

Dios. Cada tumtum chiitap tungac yoxacuy juuts iwianjam Dios.

Jesucristo wiap iyoxpát jém ipixiñtam

⁵ Dios da iccámpajém siñyucmipic pixiñtam juuts anjagooyiyaj iga injacpa jém jomipic naxyucmi jém miñpáppic, jém siipaap manañmadáy. ⁶ It jut jaycámnetá, nimpa:

ManJatun Dios, ¿tiapaap jém pixiñ iga tsam iñjispá?

¿Tiiga tsam iñyoxpátpa jém nayñewiip yíp naxyucmi?

⁷ Iñchac jém nayñewiip yíp naxyucmi juuts da ti wiap, más quetne jém ipimi que jém siñyucmipic pixiñtam.

Pero ocmi jém nayñewiip yíp naxyucmi chiitap autoridad juuts tum mijpic anjagooyi iga injacpa itumpiy cosa jém michpic inwatne.

⁸ Cuijunocodayñeta itumpiy cosa iga injacpa.

Cuando Dios ichac iga injacpa itumpiy cosa, da i ni tum cosa jém dapic injacpa. Pero siip danam quejpa iga injacpa itumpiy cosa. ⁹ Jém Jesucristo tsíy tum rato juuts tum pixiñ da ti wiap. Más da wiap que jém siñyucmipic pixiñtam. Pero siip tánixpa iga jém tánQmi Jesucristo accámta juuts tum mijpic anjagooyi, tsam cujítpa porque tsam yaachwatta cuando accaata cunusyucmi. Agui tatoytámpa Dios, jeeyucmi ijíc iga accaata jém Jesucristo para itumpiy jém pixiñtam.

10 Itumpiy cosa jém itwiiip jém Dios imiichi, je iwaṭi. Ixunpa Dios iga jém imanictam iwaganaityajiñtim juṭ wicom, juṭ it Dios. Jeeyucmi ijíc iga tsam yaachwadayta jém tumpic iManic iga wiaiñ iciacput jém pixiñtam. 11 Jém Jesucristo iJatun tanJatunjim porque tawitsagayta jém tantanca. Jeeyucmi jém Jesucristo da tsaap cuando tanimáypa iga: Mantiwitam. 12 Yimpic nim jém Jesucristo:

ManJatun Dios, ananmadáypa jém antiwitam juutspic miDios.

Manwánáypa jém himno juṭ antuumayajpa jém immanictam.

13 Nintim jém Cristo:

Ich tsam ancupicpa iga Dios wiaap ayoxpát.

Eybictim nimpa:

Yim anwaganaitta jém ammanictam, manJatun Dios, jém anchiiñewiip.

14 Tum pixiñ imanictam jextim imayi y jextim iñipiñ. Jesanetim jém Jesucristo, jextim iñipiñ y jextim imayi juuts taichtam. Jeeyucmi miñ juuts taichtam iga wiaiñ ica. Jempigam iccuyajáy jém Wocciwiñ ipimi jém wipaap tacca. 15 Jempigam iwat iga wiaiñ iciacputyaj jém pixiñtam jém icinyajpáppic iga caaba, porque itumpiy ivida tsíyñeyaj idic juuts esclavo. 16 Porque da oy yíp naxyucmi jém Jesucristo iga iyoxpátpa jém sinyucmipic pixiñtam, pero oy iga iyoxpátpa jém Abraham imanictam, jém Israelpic pixiñtam. 17 Jeeyucmi tsíy jém Jesucristo juuts jém itiwitam, yíp naxyucmipic pixiñtam, iga wiaiñ iwat jém

cobacpic panij iyoxacuy jém Dios iwiñjom. Jém Jesucristo tum panij jém tsampic tayaachanjampa y wiap iccupac titam tajiyámayñe. Iccáyáypa jém pixiñtam itánca iga ipictsóñiñ Dios. ¹⁸ Tsam yaachwattá yíp naxyucmi jém tánQmi Jesucristo, tsam cutítsta, jeeyucmi wiap tayoxpátta cuando tacutítstamtap.

3

Más mijpic cargo chiita Jesucristo que jém Moisés

¹ Jesic mantiwitam, jém cuáyñewiip íñanama, micupiñneta iga michíytámpa juuts Dios mimichitam. Siip jistaami jém tánQmi Jesucristo, jém icutsatnewiip Dios, jém cobacpic panij de jém wibic anquímayooyi, jém tancupicpáppic. ² Cuando oy ití yíp naxyucmi iccupac itumpiy cosa juuts ixunpa Dios, jém iccámnewiip iga iwatpa jém Dios iyoxacuy. Jextim iwat juuts jém Moisés cuando iccupac juuts ixunpa Dios icuwíti jém Dios iticcim. ³ Mástim pimi cujíptap Jesús que jém Moisés, juuts jém iwatpáppic tum tic más cujíptap que jém tic jém watnetawíip. ⁴ Porque itumpiy ticyaj pixiñ iwati, pero Dios iwat itumpiy jém ityajwiip. ⁵ Numa jém Moisés iccupac itumpiy cosa juuts ixunpa Dios. Icuyoaxa Dios juuts tum mozo icuwíti jém Dios iticcim. Jém Moisés iyoxacuy iga inmatpa jém anmati jém ocmipic inmatpa parejo jém Cristo. ⁶ Pero jém Jesucristo, jém Dios iManic, imichi jém tic. Taichtam jém tatic. Tsam tamaymay siiga seguido tancupicpa y da tantsacpa iga tananjócpa titam tajiyámayñe Dios.

Jejyajpa jém Dios ipixiñtam

- ⁷ Jeeyucmi juuts nimpa jém Dios iAnama:
 Siiga yíp jama immatonpa Dios ijíyi,
⁸ Odoy camamwati íñanama.
 Odoy jistaami iga da inçupictámpa juuts iwatyaj
 jém wiñicpic pìxiñtam cuando tsucumyaj
 acontra de jém Moisés jém titsinaxyucmi.
 Tsam icutitsyaj Dios siiga numa ichiiba castigo.
⁹ Jemic jém wiñicpic injatunwewetam tsam
 acutitsyajpa, nimpa Dios.
 Cuarenta antiy iixyaj jém wibic milagro jém
 anwadayñewiip.
¹⁰ Jeeyucmi anjójix jeeyaj, jém ityajwiip jesan
 tiempo.
 Siempre jixitogoyyaj ianamanjom, da nunca
 iixpicyaj jém antun.
¹¹ Jeeyucmi anjójixyaj jeeyaj y anjycámáy iga da
 nunca tigiyyajpa jut wicom jut jejyajpa con
 aich.
¹² Mantiwitam, nawattamtaji cuenta iga ni
 tum de mimichtam odoy iniidiñ jém malopic jixi
 íñanamanjom jém mitsacpáppic iga inçupicpa
 Dios jém vivopic. ¹³ Nanquímtamtaji con jém
 inñiwitam cada jama iganam it tiempo iga odoy
 mimigóyayiñ jém tancha jém itwiiip íñanamanjom
 iga ni tum de mimichtam odoy michíyiñ juuts
 enemigo con Dios. ¹⁴ Siiga seguido tançupicpa
 iga Dios wiap tayoxpát hasta jém ínanpigam jama
 juuts cuando moj tançupic, jesic tanjodon iga
 tanwaganaiñ jém Cristo.
¹⁵ Jistaami junimpa jém Dios inmati:
 Siiga yíp jama immatonpa jém Dios ijíyi,

odoy camamwātī īñānama.

Odoy jīstaami iga da īncupictāmpa,

juuts iwatyaj jém wiñicpic pīxiñtam cuando tsucumyaj acontra de jém Moisés.

¹⁶ ¿Iapaap jém pīxiñtam jém imatonneyajwiip jém Dios īnmaṭi, pero ocmi tsucumyaj acontra de jém Moisés? Jeetim pīxiñtam jém itopneyajwiip jém Moisés jém naxyucmi de Egipto. ¹⁷ ¿Iapaap jém pīxiñtam jém tsāmpic ijóyix Dios cuarenta amtiy? Jém tsāmpic īmalwatyaj, jém caayajwiip jém tītsīnaxyucmi. ¹⁸ ¿Iapaap ījīycāmayñe Dios iga da nunca tīgīyyajpa jém wīcom jūt jeyyajpa con je? Jém dapic icupīcyajpa. ¹⁹ Jesic tánixpa iga jém wiñicpic pīxiñtam da wīa mitīgīyyaj jém wīcom jūt jeyyajpa jém Dios ipīxiñtam porque da icupīcyaj iga Dios wīap iyoxpāt.

4

¹ Dios tajīycāmayñe iga it tum lugar jūt nicpa tajeji con je. Jesic iganam tanaít jém promesa, wī iga tanawattamtāñ cuenta iga wīaīñ īñtīgīyta jém wīcom jūt jeyyajpa jém Dios ipīxiñtam. Wiip algunos de mimichtam da mitīgīyṭāmpa. ² Porque taichtam tañmadaytamṭatim jém wībīc aṇmaṭi iga Dios taciacputpa juuts aṇmadayyajṭa jém wiñicpic pīxiñtam. Pero jeeyaj ixajamatonyaj, da iyoxpátyaj jém wībīc aṇmaṭi porque da icupīcyaj cuando imatonyaj. ³ Pero taichtam wīap tantīgīy jūt jeyyajpa jém Dios ipīxiñtam porque tañcupic ti tanímáy Dios. Jém dapic icupīcpa da wīap itīgīyyaj. Nīmpa Dios:

Tsam pimi ajóyñe jeeyucmi anjiycámáy jém p̄ixiñtam jém ðapic acupicyajpa iga da nunca tigiyyajpa juť jejaypa.

Da ijícpa Dios aunque cupacneum jém lugar dende moj iti yíp mundo. ⁴ It juť n̄impa jém Dios in̄maťi: Jeypa Dios jém sietepic jama cuando cupacneum itumpiy jém iyoxacuy.

⁵ Eybictim n̄impa jém Dios in̄maťi:

Da nunca tigiyyajpa juť jejaypa con aich.

⁶ Pero tigiyyanam algunos juť jejaypa. Pero jém wiñicpic p̄ixiñtam, jém mojuw̄ip imatonyaj jém w̄ibic an̄maťi, da tigiyyajpa porque da icupicyaj.

⁷ Jesic eybic icupin̄j Dios tum jama cuando jém p̄ixiñtam wiap itigiyyaj juť jejaypa. Siip núcneum jém jama. N̄impa así jém David:

Yíp jama siiga immatontámpa ti n̄impa Dios, odoy camanwaťi iñanama.

⁸ Meega jém Josué wiā mu ininicyaj jém Israelpic p̄ixiñtam juť jejaypa, jesic da eybic n̄impa Dios iga miñpa tungac jama. ⁹ Tanjodon̄j iga tsíyñam juť jejaypa jém Dios ip̄ixiñtam. ¹⁰ Porque cuando tigiypa tum p̄ixiñ juť jejaypa jém Dios ip̄ixiñtam, jesic quejpa iga yajum iwat jém iyoxacuy jesanetim juuts Dios jeypa cuando yaj iwat jém iyoxacuy cuando iwat yíp mundo. ¹¹ Jesic w̄i iga tanjattámpa empeño iga tatigiytámpa juť jejaypa jém Dios ip̄ixiñtam. W̄ip iwatyajpa algunos juuts iwatyaj jém p̄ixiñtam jém ðapic icupicyaj titam iñimáy Dios.

¹² Jém Dios in̄maťi vivo y tsam iniit ip̄imi. Tsam tsupa, más que jém espada jém icudosladopic

añmejne. Jém Dios in̄m̄ati tiḡiypa hasta más joymi jém p̄ixiñ ianamanj̄om y ij̄ixianj̄om. Tiḡiypa hasta jém p̄ixiñ ipactopaanj̄om hasta jém pac ituupaanj̄om. Tanquejáypa siiga w̄i jém tanj̄ixi o da w̄i. ¹³ Da i ni tum cosa añnécne jém iwatnewiip Dios, je w̄iap iix. Cuchichayñet̄a itump̄iy cosa, añáyñe iga w̄iap iix Dios. Itump̄iy ij̄odon̄ Dios titam tanwatpa, tienes que ciip̄in̄t̄ap.

Jesús jém más mij̄pic cobac̄pic pan̄ij

¹⁴ Taich tanaitta tum cobac̄pic pan̄ij jém más mij̄pic, je jém Jesús jém Dios iMan̄ic. Nic sinyucmi jém Dios iwiñj̄om iga tacupujpa. Jeeyucmi w̄i iga da tantsacpa iga tan̄cupicpa juuts tann̄imayñe. ¹⁵ Porque tanaitta tum cobac̄pic pan̄ij ts̄am tayaachanj̄ampa cuando danam w̄iap tan̄wat itump̄iy juuts ixunpa Dios, porque ts̄am yaacha, ts̄am p̄imi cut̄it̄st̄a jextim juuts taichtam, pero je da nunca t̄añcawat. ¹⁶ Jeeyucmi tan̄cunúct̄ampa sin c̄in̄i j̄ut coñ jém tan̄jatun̄ Dios, jém ts̄amp̄ic tatoypa. Je ts̄am tayaachanj̄ampa taichtam porque agui taw̄ixpa y w̄iap tayoxp̄at juchixquej.

5

¹ Itump̄iy jém cobac̄pic pan̄ij cup̄in̄neyajta ȳip naxyucmi, accámnet̄a iga ichiiba Dios jém ofrenda y jém sacrificio para jém p̄ixiñtam it̄añca. ² W̄iap iyaachanj̄am jém dap̄ic j̄ixiyyaj, jém togoyñeyajwiip, w̄iap̄tim icut̄in̄. Ij̄ampatim cuando cut̄it̄st̄ap. ³ Y como t̄añcaíȳtim jém pan̄ij, iccaaba jém animat iga iyojpa jém it̄añca, j̄emp̄ict̄im iwatpa

para jém p̄ixiñtam iga iyojáypa jém itánca jém Dios iwiñjom.

⁴ Da ñ wiap iniccám̄ta iyaac iga pañij. Solamente Dios wiap iccám iga pañij, juuts iccám jém Aarón.

⁵ Jesanetim jém Cristo. Da naccám̄ta iyaac iga jém cobacp̄ic pañij, pero Dios iccám. Nímayta:

Mimich mamman̄ic. Yíp jama mamman̄igap.

⁶ Juuts n̄impa jém tun̄gac áñeȳmi, jūt jayñeta:

Mich mipañij para itump̄iy tiempo.

Da nunca miputpa.

Mijextim juuts jém wiñ̄icp̄ic pañij jém Melquisedec.

⁷ Cuando jáy ñti yíp naxyucm̄i jém Jesucristo, tsam in̄wejp̄atpa Dios, iwágáypa iga iyaachanjaamiñ. P̄imi j̄ypa, agui wejpa cuando iwágáypa jém wiapaap iciacput cuando accaatap. Matónayta jém Cristo porque iccupacpa juuts in̄ímayñe Dios. ⁸ Mex iga jém Dios iMan̄ic, in̄yuj iga iyaachíypa cuando yaachwattap iga más wiap

iwat itump̄iy cosa juuts ixunpa Dios. ⁹ Jesic yajum iwat jém Cristo itump̄iy juuts ixunpa Dios,

jesic wiap iciacputyaj itump̄iy jém p̄ixiñtam jém icup̄icneyajw̄ip. ¹⁰ Dios iccám jém Jesucristo iga

cobacp̄ic pañij juuts jém Melquisedec.

Acjodónata iga odoy ichaguiñ jém Dios in̄mat̄i

¹¹ Tsam jáyan̄ cosa manan̄madaytamtooba de jém Cristo, pero tsam tánca manan̄madáy porque mimichtam agui tánca in̄cut̄iȳyta. ¹² Wiñ̄igam

moj in̄cuyucata jém Dios in̄mat̄i. Wiabam idic iga michíyta juuts maestro. Pero s̄ip̄ eyb̄ic in̄xunpa iga min̄quejayt̄añ jém an̄químayooyi dap̄ic tánca. Como

eybíc inçuyujcatooba jém Dios inçuímayooyi dapíc táñca, mijex juuts tum tsixi jém iucpáppic leche, jém dapíc wíap icút wíccuy. ¹³ Jém iucpáppic leche tum tsixi, jex juuts jém dapíc icutiñyíypa jém wibíc añmañi. ¹⁴ Pero jém wíccuy para jém tsamipíc, jém wíapaap icutiñyíy jém añquímayooyi, wíap icipin jup jém wibíc y jup jém malopíc.

6

¹ Jempigam tanwattámpa hasta tanúcpa juuts tum pìxiñ jixiywíip. Da eybíc tançuyujcasetpa jém Cristo inçuímayooyi jém mojuwíip tançuyujca. Da tanatsucumsetpa eybíc jém base. Da eybíc tançuyujcaaba jutsap tantsac jém wiñicpic costum-bre jém taccaapáppic, porque tantsacneum. Da eybíc tançuyujcaaba jutsap tançupic Dios porque tançupicneum. ² Da eybíc tançuyujcasetpa jutsap icchiñta jém Dios ipixiñtam, ni jém costumbre cuando jém pastor ichicunúc ici jém icobacyucmi jém icupicnewíip Cristo, ni jutsap icpisyajta jém caaneyajwíip, ni jém añquímayooyi iga cìpinjajtap jém pìxiñtam y chiitap castigo jém dapíc cuyajpa.

³ Jempigam tanwattámpa siiga Dios iwíanjam.

⁴ Siiga tum pìxiñ ipictson jém wibíc juctiantsoça, y ixucneum iga agui wí jém wibíc xaja, jém tachiiñewíip Dios, y ipictsonneum jém Dios iAnama, ⁵ agui iwíanjam jém Dios inmañi y iixñétim iga tsam wí jém Dios ipimi jém miñpáppic tachiiba. ⁶ Siiga eybíc cutiñpa jém pìxiñ, da eybíc wíap ichucum. Da eybíc icucacpa jém ijixi. Porque jeeyaj iyaac síp icunúñyaj cunusyucmi jém Dios iManic, tsam ixaayíyyajpa jém pìxiñtam iwiñjom, ⁷ jex juuts jém

nas jém iucpáppic tuj. Siiga w_iputpa jém ñipñiibooyi, jesic w_i para jém pixiñtam jém iyoxacapaap y Dios ichi bendición jém nas. ⁸ Pero siiga chióypa jém apityaj y jém malopic pim, da para ti w_i. Ichiiba castigo Dios, ocmi nooquettap.

Siiga seguido tançupicpa, da i w_iap tactsac jém Dios inçatí

⁹ Pero mex iga manañmadáypa jempic, mantiwitam, mantoytampáppic, anjodon iga michtam iniitta jém más wibic bendición, jém tachiñewiip Dios cuando taciaputpa. ¹⁰ Porque numçipinóypa jém tanjatuj Dios. Jeeyucmi da ijaamañnotpa titam inçwatneta y iga hasta siip tsam inçxpátámpa jém inçiwitam jém icupicneyajwiip Cristo porque tsam inçtoytámpa Dios. ¹¹ Pero ansuntámpa iga cada tumtum de mimichtam seguido inçiwattámiñ con itumpiy inçanama hasta jém inçapigam jama hasta que iccupacpa Dios titam tajycámayñe. ¹² Da ansunpa iga micutíñatámiñ, pero ansunpa iga inçwattámiñ juuts jém pixiñtam jém inçjócyajpáppic titam ijycámayñe Dios. Ipictsonyajpa porque seguido icupicyajpa iga Dios w_iap iyoxpát. Iyaachiyajpa cuando da jobit cupacpa jém promesa.

¹³ Cuando Dios ijycámayñe jém Abraham, inçimáy: “Ich anyaac mançycámáypa anniyimi iga mançiwadáypa.” Da i tuñgac más w_iapaap, jeeyucmi nimpá: “Ich anniyimi.” ¹⁴ Nimpá Dios: “N_uma, tsam pimi mançiwadáypa. Manchiiba tsam jáyañ inçocmanictam.” ¹⁵ Jém Abraham tsam iyaachíypa, inçjócpa hasta que ipictsonpa

titam ijıycámayñe Dios. ¹⁶ Cuando jém pıxiñtam ijıycámpa, nımyaj: Wıjıodios porque ijodıj ıga Dios más wıap que jeeyaj y wıap ichi castigo sııga da iñuumanmatpa. Sııga ı ichacpa Dios juuts tım testigo ıga da mıgóypa, jesic da ti más wıap iñımyaj. ¹⁷ Dios inquejáy jém pıxiñtam jém ipıctsonıyajpáppic jém herencia ıga iccupacpa juuts ijıycámayñe y da nunca icucacpa ijıxi. Jeeyucmi iyaac ijıycám ıga da mıgóypa. ¹⁸ It wısten cosa jém dapıc cucacpa, con jeam quejpa ıga Dios da mıgóypa. Jeeyucmi tanaittámiñ tım wıbic maymáıaji ıganam tananjócpa ıga Dios tayoxpátpa. ¹⁹ Yıp esperanza tsıy juuts ancla para jém tánanama, wıcámne ıga odoy tantsaguiñ jém Dios inımatı. Tayoxpátpa ıga tanúcpa jém Dios iwiñjom, jém puctuctaañi iweñtan, jém sınyucmıpic mastıcjım, ²⁰ jut tıgyñe jém Jesús por taıchtam ıga tánáyáy jém tun. Je tsıy juuts tım panıj jém dapıc nunca putpa, jextim juuts jém Melquisedec.

7

Jesús cıbacpic panıj jextim juuts jém Melquisedec

¹ Yıp Melquisedec rey de jém atıbet Salem, jém yucmıpic Dios ipanıj. Oy jém Abraham icucaayıaj jém tunıac pıxiñtam ireyyaj. Jesic cuando set jém Abraham, jém panıj nic ichon tunjom. Inıwejpát Dios para jém Abraham ıga iwıwadáyıñ. ² Cuando ıcoñwıy jém Abraham jut oy añaji, jesic itobáy jém reyyaj imıichi. Jesic cuando ipát jém Melquisedec, ichi jém décima parte de

itumpiy jém itopnewiip. Jém Melquisedec iníyi nímtooba jém rey jém iwíwatpáppic. Tsíy juuts rey de Salem, taichtam tanaŋmatimi nímtooba jém ijacpáppic jém pleito. ³Jém Melquisedec da jatuníy ni da aabíy. Datim i ijodon jut tsucum. Da i ijodon juchix nay ni juchix caaba. Jex juuts jém Dios iManic, da nunca putpa iga panij.

⁴Jistaami iga agui mǐjpic cargo iniit jém Melquisedec. Porque jém tanjatunwewe jém Abraham ichi jém décima parte de itumpiy jém itobayñewiip jém reyyaj. ⁵Jém Israelpic panijyaj, jém Leví iocmanictam, iniit jém anquímayooyi iga ipictsonyajiñ jém décima parte de itumpiy jém iniitwíip jém itíwítam, jém Israelpic pixiñtam. Jeeyaj ijatunwewetim jém Abraham. ⁶Pero jém Melquisedec, mex iga da je jém Leví iocmanic, ipictson jém décima parte jém ichiiwíip jém Abraham. Y ocmi inwejpát Dios iga iwíwadáy jém Abraham. Jeetim Abraham jém iwadayñewiip Dios jém promesa. ⁷Quejpa iga jém ichiipáppic bendición iniit más mǐjpic cargo que jém ipictsonpáppic jém bendición. ⁸Yim entre mimichtam, jém ichécpáppic jém décima parte, pixiñtim, caabatim. Pero jut ijaychacne jém Dios inmati, inmatpa de jém Melquisedec juuts tum pixiñ dapic caaba. ⁹Wiap tanim iga jém Leví con itumpiy iocmanictam, jém panijyaj, ichiiyajtım jém Melquisedec jém décima parte jeeti rato cuando jém Abraham ichi jém décima parte. ¹⁰Cuando jém Melquisedec nic ichon jém Abraham, jextim juuts jém Abraham iniit imijtayyucmi iocmanic jém Leví mex iga danam

nayñe.

¹¹ Jém Levitapic panijyaj ichiiyaj jém Moisés inqúimayooyi jém nación de Israel. Levitapic p̄ixiñtim jém Aarón. Jesic meega jeeyaj w̄ia mu iw̄itsagayyaj jém p̄ixiñtam it̄añca, jém icupicneyajw̄ip jém Moisés inqúimayooyi, jesic da tansunpa iga miñpa tungac panij juuts jém Melquisedec y da jex juuts jém Aarón. ¹² Porque cuando cucacum jém panij, tienes que cucacpatim jém anqúimayooyi. ¹³ Cuando n̄impa iga miñpa tungac panij, inmatpa de jém tán̄omi Jesucristo. Da je levitapic p̄ixiñ. Tungac grupo de jém Israelpic p̄ixiñtam tsucum, jém dapic queman i iccám juuts panij. ¹⁴ Porque tsam tan̄wij̄odon̄ iga jém tán̄omi tsucum de jém tribu de Judá. Jém Moisés da inmat iga tsucumpa panijyaj de jém tribu.

¹⁵ Tsam w̄iquejpa iga jomipic panij porque jex juuts jém Melquisedec. ¹⁶ N̄impa jém Moisés inqúimayooyi iga tsucumpa jém panijyaj de jém levitapic p̄ixiñtam. Pero ȳip jomipic panij da tsucum juuts n̄impa jém anqúimayooyi, pero accám̄ta juuts panij porque iniit jém vida jém dapic cuyajpa. ¹⁷ Porque inmatpa así Dios de jém tán̄omi Jesucristo:

Mich tum mipanij, da nunca miputpa.

Mijex juuts jém Melquisedec.

¹⁸ Jesic jém wiñicpic anqúimayooyi cuyajum. Da w̄iap iyoxpát jém p̄ixiñtam. Da para ti w̄i. ¹⁹ Ȳip anqúimayooyi da w̄iap iw̄itsagáy ni tum p̄ixiñ it̄añca. Pero sīp núcneum tum p̄ixiñ más w̄iap. Tananúcpa jém Dios iwiñjom.

²⁰ Dios ijıycámayñe iga iccám jém iMānic juuts pañij. ²¹ Jém levitapic pıxiñtam cuando accámta juuts pañij, Dios da tsıy juuts testigo iga accámta. Pero Dios tsıy juuts testigo iga accámta jém iMānic juuts pañij. Nımpa así jém Dios inımati:

TanJatun Dios ijıycámáy y da nunca icacsetpa ijıxi.

Nımpa:

“Siip manaccám juuts tum pañij.

Da nunca miputpa.

Mijex juuts jém Melquisedec.”

²² Jeeyucmi tanjodon iga Jesús wiap iccupac jém más wıbıc trato. ²³ Jém tungacpıc pañij, jém levitapic, tsam anpıcyaj, tsam jáyaña. Porque jeeyaj caayajpa, da wiap ichıy seguido juuts pañij.

²⁴ Pero Jesús da caaba. Da nunca putpa iga pañij, da iccampa tungac. ²⁵ Jeeyucmi wiap icıacputyaj para siempre itumpıy jém icunúcyajpıppıc Dios porque icupıcneyaj Jesús. Porque je da nunca caaba. Itpa para siempre iga icupuypa jeeyaj Dios iwiñjom.

²⁶ Yıcxpıc cıbacpıc pañij wiap tayıxpáta porque tsam iwıwatpa, datim táncaıy, cuáyñe ianama, da jex ijıxi juuts jém malopıc pıxiñtam. Nanıcta más yucmi de yıp sıñ hasta jut it jém tanJatun Dios. ²⁷ Da jex juuts jém tungac pañij jém levitapıc. Jeeyaj iccaaba cada jama jém animat iga iyojáypa jém pıxiñtam itánca. Wiñti iyojpa iyaac jém itánca, ocmi iyojáypa jém pıxiñtam itánca. Pero Jesús tunıcy iyojáy jém pıxiñtam itánca para siempre cuando ijıc iga accaata.

²⁸ Jém wiñıcpıc anquımayooyi iccám juuts pañij

tum p̄ixiñ t̄an̄caiyw̄iip. Pero más ocm̄i de jém wiñ̄icp̄ic an̄quím̄ayooyi, jém tan̄Jat̄uñ Dios iccupac juuts ij̄ycám̄ne, iccám̄ iMan̄ic juuts pañij. Iniit it̄ump̄iy jém w̄ib̄ic j̄ixi para siempre.

8

Jém Jesucristo w̄iap tacupuj

¹ Manañmadáy jemp̄ic porque mann̄im̄aytam̄tooba iga tanait̄ta tum̄ cobacp̄ic pañij s̄iñyucm̄i. S̄iip coñ jém trono in̄w̄imi j̄ut in̄jacpa tan̄Jat̄uñ Dios. ² Ȳip pañij icuyoxap Dios jém w̄icom̄ j̄ut it̄ jém Dios ip̄imi, jém nunta mast̄ic jém iw̄atnew̄iip Dios. Da jém p̄ixiñtam̄ iw̄ati. ³ It̄ump̄iy jém cobacp̄ic pañij accám̄yajt̄a iga nicpa ichac jém ofrenda y jém sacrificio jém Dios iwiñ̄jom. Jeeyucm̄i ȳip pañij tienes que inin̄icpatim̄ tum̄ ofrenda jém Dios iwiñ̄jom. ⁴ Meega it̄pa ȳip naxyucm̄i, da w̄iap ich̄iy juuts pañij porque ȳim̄ it̄ jém pañijyaj, w̄iap nicpa ichacyaj jém ofrenda juuts n̄impa jém Moisés in̄quím̄ayooyi. ⁵ Ȳipyaj pañijyaj icuyoxayajpa Dios ȳip naxyucm̄ip̄ic mast̄icjom, iforma jex juuts jém nunta mast̄ic jém it̄w̄iip s̄iñyucm̄i. Tan̄jodon̄ iga jex juuts tum̄ cuwiñ̄ porque cuando jém Moisés iw̄at jém puctucmast̄ic, iñ̄im̄áy Dios: “W̄ati juuts jém manañquejayñew̄iip jém cots̄icyucm̄i.” ⁶ Pero s̄iip ȳip s̄iñyucm̄ip̄ic pañij ip̄ictson̄ más w̄ib̄ic yoxacuy que jém wiñ̄tip̄ic pañij. S̄iip tacupujpa con jém más w̄ib̄ic trato que jém wiñ̄icp̄ic porque watnetā de acuerdo con jém más w̄ib̄ic promesa.

⁷ Meega jém wiñtipic trato tawitsagáy tantañca, jesic da idic tansunpa tungac trato. ⁸ Pero Dios iix iga jém wiñtipic trato da wíap iyoxpát jém p̄ixiñtam. Nĩmpa jut jayñeta jém Dios inmatĩ:

Nĩmpa tanjatun Dios:

Núcpa jama iga añwatpa jém jomipic trato con jém ityajwíp jém naxyucmi de Israel y jém naxyucmi de Judá.

⁹ Yíp trato da jex juuts jém añwadayñewíp jém ijatunweweyaj jém jama cuando ammatsáy ici iga antopyaj jém naxyucmi de Egipto.

Pero como jeeyaj da iccupacyaj jém wiñtipic trato jém añwadayñewíp,

jeeyucmi ich antsactim mex jeeyaj, nĩmpa Dios.

¹⁰ Yíbam jém jomipic trato jém añwatpáppic con jém nación de Israel cuando núcpa jém jama.

Nĩmpa así jém tanjatun Dios:

Anaccámpa jém anañquímayooyi jém ijixianjom y anjaycámáypa ianamanjom.

Y jém p̄ixiñtam ich aDiosyaj.

Y jeeyaj ich amp̄ixiñtam.

¹¹ Cuando núc jém tiempo, da i inquejáypa jém ivecinoyaj ni jém itiwitam iga: Ixp̄ici jém tánomi.

Porque itumpiy jém p̄ixiñtam aixpicyajpa jém xutupic y jém m̄ijtampic.

¹² Añwadáypa perdón iga agui imalwatneyaj.

Da nunca anjisáypa jém itañca.

¹³ Cuando Dios inmatpa de tum jomipic trato, quejpa iga dam más tayoxpátpa jém pecapic, da jáyñe iccuyajpa.

9

Jém naxyucmipic mastic y jém siñyucmipic mastic

¹ Jém wiñtipic trato iniit jém anquímayooyi jutsap tanjis Dios jém lugar jut it jém Dios ipimi yíp naxyucmi. ² Watta jém puctucmastic con wisten cuarto. Jém wiñtipic cuarto iñiyi jém lugar jut it jém Dios ipimi. Jem it jém nooquejcu y tuncuy, jém mesa y jém caxtánañi jém Diospic imichichí. ³ Iweñtañ de jém tungac puctuctaañi it jém tungac cuarto iñiyi jém lugar jut núcpa Dios. ⁴ Jem it tum altar de oro jut nootap jém poma. Ittim jém baúl jut tsacta jém wiñtipic trato. Cutsitneta icumij jém baúl con oro. Jém baúljom it tum xanu de oro jut cotta jém wíccuy, jém maná. Jém baúljom ittim jém Aarón iwaycuy jém anñayñewiip y jém tsaatabla jut jayñeta jém diez anquímayooyi jém wiñtipic trato. ⁵ Jém baúlyucmi it wisten jém saiywip, jém querubines. Tanquejáypa iga jemum it Dios. Jemum núcpa jém Dios ichoça. Itimne ixaj, icujimne jém lugar jut tsactap jém sacrificio jut yojaytap jém pixiñtam itañca. Pero sip da i tiempo iga manwianmadáypa itumpiy yípyaj cosa.

⁶ Jesic cuando witsacne itumpiy cosa así, seguido tigiyajpa jém panijyaj jém wiñtipic cuarto iga iwatyajpa juuts nimpa jém wiñtipic anquímayooyi. ⁷ Pero jém tungac cuarto, no más jém cobacpic panij wíap itigiy. Cada amtiy tigiyapa tunçiy. Da wíap itigiy sin nipiñ iga iyojpa jém itañca, ocmi iyojáypatim jém pixiñtam itañca. ⁸ Jempigam tanquejá y jém Dios iAnama, iganam it jém wiñtipic puctucmastic, danam quej jém

tun hasta jut it jém tanJatun Dios, jém lugar cuáyñewiip. ⁹ Itumpiy yípyaj cosa tsíy juuts tum ejemplo para siip. Jém ofrenda y jém sacrificio jém chiiñetawiiip Dios da iñuntawitsagáy jém pixiñtam itánca jém iwatnewiip jém sacrificio iga cuáypa ianama. ¹⁰ Jém sacrificio y jém ofrenda je nada más asunto de wíccuy y níccuy y jutsap icheeyaj imijtay según jém wiñicpic costumbre hasta que Dios icjoomasetpa itumpiy cosa.

¹¹ Pero siip miññeum jém Cristo, jém cobacpic panij. Imiichi itumpiy jém más wibic cosa, jém miñpáppic. Yíp mastic jut yoxap jém Cristo más witi y más wibic. Da je jém pixiñ iwati, da je yíp naxyucmic. ¹² Tigiy tunçiy jut it Dios para siempre. Da ininic jém chivo iñiipiñ ni jém becerro iñiipiñ, pero iyaac ininic jém iñiipiñ iga iyojáy jém pixiñtam itánca iga ipictsonyajiñ jém vida jém dapic cuyajpa. ¹³ Jém becerro iñiipiñ y jém chivo iñiipiñ cuxicstap jém pixiñtam iga cuáyiñ jém imijtay. Jém becerra icuyjam, jém noonetawiiip jém altaryucmi, cuyintap jém pixiñtam iga cuáyiñ jém imijtay. Jém niipiñ y jém cuyjam iyoxpátpa jém pixiñtam iga cuáyiñ jém imijtay según jém costumbre. ¹⁴ Pero más wi jém Cristo iñiipiñ. Porque jém Dios iAnama, jém dapic cuyajpa, iyoxpát jém Cristo cuando iyaac nachiiñta juuts sacrificio sin tánca. Jém iñiipiñ tacujicháyaypa tánanama iga da más tanjispa jém wiñicpic anquímayooyi, jém dapic tayoxpátpa. Siip wiap tançuyoxa jém vivopic Dios.

¹⁵ Jeeyucmi jém Cristo wiap tacupuj con jém jomipic trato. Ichiiba jém vida jém dapic cuyajpa

itumpiy jém icupinneyajwip Dios juuts ijycámayñe. Wiap iwát jempic porque accaata iga iyojáy itumpiy jém pxiñtam itánca, jém dapic wiap iwítsac jém wiñtipic trato. ¹⁶ Siiga tum pxiñ iwatpa trato con imaníc iga ichiiba itumpiy jém jeepic imichi cuando caaba, jesic tienes que ixtap iga caaneum. Ocmi jém imaníc wiap ipictson titam ijycámayñe. ¹⁷ Tum trato da inij ipimi siiga danam caane jém iwatnewip jém trato. Pero cuando caaneum jém pxiñ, jesic iniitum ipimi jém trato. ¹⁸ Jeeyucmi accaayajta jém animatyaj iga con iñpiñ iniidiñ ipimi jém wiñtipic trato. ¹⁹ Cuando jém Moisés yaj inmadáy jém pxiñtam itumpiy jém anquímayooyi, ipic jém becerro iñpiñ con jém chivo iñpiñ, inimot con ni. Ipic jém hisopo inçis, ichen con jém tsabatspic lana, icot nñpiñjom, con jeam icuxics jém toto jut jayñeta jém anquímayooyi. Icuxicstim itumpiy jém pxiñtam. ²⁰ Iganam iwatpa jempic jém Moisés, iñmá yém pxiñtam: “Con yip nñpiñ quejpa iga jém trato iniit ipimi jém Diospic tawadayñe para taichtam.” ²¹ Jém Moisés icuxicstim con jém nñpiñ jém puctucmastic y itumpiy jém traste jut ijisyajpa Dios. ²² Porque nimpa jém wiñcpic anquímayooyi iga casi itumpiy cosa tienes que cuáypa con jém nñpiñ. Siiga da itegáypa jém nñpiñ, jesic da i imatónáypa jém itánca.

Accaata jém Cristo iga tajojáy tantánca

²³ Jeeyucmi ixunpa jém sacrificio iga cuáyiñ jém cuwiñ de jém cosa jém itwip sinyucmi, pero jém sinyucmic cosa ixunpa más wibic sacrificio que

jém watnetawïp yíp naxyucmi. ²⁴ Jesic cuando jém Cristo tajojáy tantánca, da iwat yíp naxyucmi^{pic} masticjom jém iwatnewïp jém pixiñtam. Porque jém puctucmastic nada más tum cuwiñ de jém nunta mastic jém itwïp siñyucmi. Pero tigiy jém Cristo siñyucmi, icunúc jém tanjatun Dios iwiñjom iga tacupujpa. ²⁵ Da tigiy jém siñyucmi^{pic} masticjom iga iwatpa watciy jém sacrificio juuts jém cobacpic panij iwatpa cada amtiy con jém nïpiñ dapic imïchi. ²⁶ Porque siiga da wiap iwat tunçiy jém sacrificio, jesic tienes que watciy accaatap jém Cristo dende watta yíp mundo. Pero da iwat jempic. Siip cuando núctooba jém iñanpigam jama wiñquej jém Cristo. Iyaac nachiita iga accaata iga iccáyáypa jém pixiñtam itánca. ²⁷ Dios ichac iga tunçiy caaba itumpiy jém pixiñtam y ocmi cïpiñtap, chiitap castigo jém malopic. ²⁸ Jesanetim tunçiy nachiita jém Cristo iga accaata iga iccáyáypa jáyan jém pixiñtam itánca. Ocmi wiñquejpa eybic yíp naxyucmi jém Cristo. Dam miñpa iccáyáy jém pixiñtam itánca, miñpa iciacputyaj jém injócneyajwïp.

10

¹ Jém Moisés inqúimayooyi juuts tum cumuçi de jém wibic cosa jém miñpáppic. Da nunta numa jém cosa jém miñpáppic ocmi, jém anqúimayooyi no más tum cuwiñ. Jém Moisés inqúimayooyi da wiap iwıtsagáy jém pixiñtam itánca jém icunúcneyajwïp Dios con jém sacrificio jém iwatyajpáppic cada amtiy. ² Meega jém anqúimayooyi wiap iciacput jém

p̄ixiñtam, jesic da eyb̄ic iwatyajpa jém sacrificio porque una vez w̄itsacnetawum itánca jém iwatneyajw̄ip jém sacrificio, da más ijampa iga t̄añcaíy. ³ Pero cuando iwatyajpa jém sacrificio cada am̄tiy, ijisyajpa iga t̄añcaíy. ⁴ Porque jém toro iñ̄ipiñ y jém chivo iñ̄ipiñ da nunca w̄iap iccáyáy jém p̄ixiñtam itánca.

⁵ Jeeyucmi cuando miñ ȳip naxyucmi jém Cristo, iñ̄imáy tanJatun̄ Dios:

Mich da in̄wianjam̄ jém sacrificio ni ofrenda.

Pero anchi jém ammījtay iga accaatap̄.

⁶ Datim in̄wianjam̄ iga nooquettap̄ jém animat̄ jém altaryucmi ni jém sacrificio iga accáyayt̄aiñ jém p̄ixiñtam itánca.

⁷ Jesic ocmi anim̄:

“Ȳim ait iga an̄watpa juuts mich in̄wianjam̄, manJatun̄ Dios, juuts jayñetā jém librojom̄ de aich.”

⁸ Wiñ̄ti nim̄ jém Cristo iga: “Mich da in̄wianjam̄ jém sacrificio, ni ofrenda, ni jém animat̄ nooquettapaap̄ jém altaryucmi, ni jém sacrificio iga accáyayt̄aiñ jém p̄ixiñtam itánca.” Mex jém wiñ̄icp̄ic an̄químayooyi ip̄im̄íypa jém p̄ixiñtam iga iwatyajiñ. ⁹ Ocmi nim̄tim̄ jém Cristo: “Ich amiñ ȳim̄ iga an̄watpa juuts mich in̄wianjam̄, manJatun̄ Dios.” Ȳip nim̄tooba iga Dios iccáypa jém wiñ̄tip̄ic, iccámpa jém ocm̄ip̄ic. ¹⁰ Cristo ijic̄ iga accaatā tun̄ciy para itump̄iy jém p̄ixiñtam. Jeeyucmi Dios tacujicháyáy t̄an̄nama.

¹¹ Itumpiy jém Israelpic panijyaj iwatyajpa cada jama jém masticjompic yoxacuy. Seguido iwatyajpa jeetim sacrificio, mex da nunca wiaꝑ iccáyáy jém p̄ixiñtam itánca. ¹² Pero jém Jesucristo tunꝑiy ijíc iga accaata iga iyojáy jém p̄ixiñtam itánca para siempre. Jesic ocmi nic coñi jém Dios inwimi. ¹³ Jemum síꝑ injóc hasta que Dios icoñwíypa jém ienemigoyaj. ¹⁴ Tunꝑiy chióy imijtay juuts ofrenda iga accaata jém cunusyucmi iga iwítsagáy jém p̄ixiñtam itánca iga iccuáyáy ianama para siempre. ¹⁵ Jém Dios iAnama tanmadáytim jempic porque nimpa:

¹⁶ Ocmi ich anwatpa tungac trato con jeeyaj cuando núcpa jém tiempo.

Nimpa Dios:

Anaccámpa jém ananquímayooyi jém p̄ixiñtam ianamanjom.

Anjaycunúcpa ijixianjom.

¹⁷ Nímtim Dios:

Da nunca anjisáypa jém p̄ixiñtam itánca, da nunca anjísꝑa iga agui imalwatne.

¹⁸ Cuando tawadayñetawum perdón jém tantánca, da eybic ixunpa Dios iga tanwatpa sacrificio iga tanyojpa jém tantánca.

Wí iga tanꝑunúctámiñ Dios

¹⁹ Jeeyucmi mantiwítam, síꝑ da taciꝑpa. Wiaꝑ tantigiy jém Lugar Cuáyñewíꝑ, jut it Dios, porque jém Jesucristo itegáy inñipiñ para taichtam. ²⁰ Síꝑ tanait jém jomipic tun, jém vivopic, jut wiaꝑ tantigiy jut it Dios. Porque Cristo ínýy jém puctuctaani iga wiañ tannas

jém iweñtañ. Jém puctuctaañi nimtooba jém Cristo imijtañ cuando accaata. ²¹ Tanait tum mijpic tampanij, jém cobacpic, injacpa jém Dios iticmi icuterō. ²² Jeeyucmi wiap tañcunúcta Dios con tum wibic tánanama, tannuntawicupicpa Dios. Tacujicháyayñetañwum tánanama iga da más tanjiswa jém tantánca. Tacutseayñetañwum jém tammijtañ con jém wibic ni. ²³ Seguido tanañjóctámpa iga Dios taciaputtámpa. Da tantsactámpa iga tañcupictámpa porque Dios iccupacpa juuts tajycámayñe. ²⁴ Wi iga tammétstámiñ jutsap tanayoxpáttanta con jém tantiwitam iga tanatoytamtañ, iga tawiwadaytámiñ i quej. ²⁵ Da tantsactámpa iga tañtuumatámpa con jém tantiwitam juuts iwatyajpa algunos jém dapic añtuumayajpa. Wi iga tanañquímtamtañ iga tañwattámiñ juuts ixunpa Dios y más siip porque quejpa iga dam jáyñe miñpa jém tánQmi.

²⁶ Siiga inwianjam iga seguido inwatpa tánca cuando inwijodon jém numapic añquímayooyi, dam i tunzac sacrificio iga miyojáypa iñtánca. ²⁷ Tsíy no más jém mijpic castigo jém tsampic iyaachwatpa ienemigoyaj juuts ijycunúctne Dios, yajpa iccucaáy jém juctjom jém aguipic yótpa. ²⁸ Wiñigam siiga tum pixiñ da iwatpa juuts nimpá jém Moisés inquímayooyi, siiga it wisten o tucuten testigo iwiñpacchiiba, jesic jém pixiñ accaatap, da i iyaachanjampa. ²⁹ Jistaami iga tsam mijpic castigo ichiiba Dios tum pixiñ siiga nimpá iga da ti cuwatcuy jém Dios iManic, y siiga tsam ijóyixpa jém Cristo iññipiñ de jém jomipic trato, jém

iccuáyñewiip jém p̄ixiñ ianama. Chiitaptim miipic castigo siiga i imalnímáypa jém Dios iAnama jém tanquejaypáppic iga tsam tayaachanjampa Dios. ³⁰ Tánixpicpa jém nimnewiip: “Ich anait derecho iga antségáypa jém malopic p̄ixiñtam itánca, ich anacyojpa iga imalwatyaj.” Nimitim: “Dios ic̄iip̄iipa jém ip̄ixiñtam.” ³¹ C̄iñi iga micutiñpa jém vivopic Dios ic̄iijom.

³² Pero jistaami jém jama jém nasnewiip cuando mimichtam yaguiñ impictson̄ta jém juctian̄tsoca. Tsam micutitstamtā. Iñyaachiyta cuando iññascata jém miipic yaachaji. ³³ Algunos de mimichtam tsam mimalnímaytam̄ta y mimalwadaytam̄ta jém p̄ixiñtámanjom. Miwagayaachařim con jém iñnamigoyaj cuando iñascayaj jempic. ³⁴ Mimichtam, tsam iñyaachanjam̄ta jém pajneyajtaw̄iip. Da miñyácneta cuando miccáyaytā jém iñtic o itumpiy jém iniitw̄iip, numa agui mimaymaytam. Porque iñjodon̄tam iga iniitta jém tsam w̄itampic cosa siñyucmi jém dapic nunca cuyajpa. ³⁵ Mimichtam tsam iñjisa iga Dios wiap miyoxpát, jesic odoys tsaci iga iñjisa jempic porque siiga seguido iñjisa jempic, impictson̄pa tum w̄ibic coñwiyooyi. ³⁶ Yaachiytaami iga in̄wattampa juuts ixunpa Dios iga impictson̄tampa titam tajiycámayñe. ³⁷ Nimpa jém Dios in̄mati:

Da jáyñe miñpa jém miñpáppic.

Da táncaap.

³⁸ Jém an̄witsagayñewiip itánca iniit jém vida porque acupicne, nimpa Dios.

Pero el que ichacpa iga acupicpa, aich da an̄wianjam.

39 Pero taichtam da tajex juuts jém setpáppic ituuñiaŋciim, jém nicpáppic juť ipictsonpa jém castigo. Taichtam seguido taŋcupicpa Dios iga da togoypa jém tánanama.

11

Jém wiñicpic pixiñtam jém tsam icupicyajpa Dios

¹ Siiga tanait fe, taŋcupicpa Dios, tanuntawijodon iga tampictsonpa titam tananjócne. Tanjodonjim iga numa tachiiba Dios jém cosa jém dapic tánixñe. ² Jempictim iwatyaj jém wiñicpic pixiñtam, Dios iwixyay porque tsam icupicyaj.

³ Como tanait fe, tanjodon iga Dios iwat itumpiy cosa jém itwip naxyucmi y siŋyucmi. Ipimiy iga idiñ, jesic itum. Dios ipic jém cosa jém dapic i wiap iix iga iwatpa jém cosa jém wiapaap tánix.

⁴ Como tsam iniit fe, jém Abel agui icupic iga Dios wiap iyoxpát, jeeyucmi ichi más wibic ofrenda que jém ichiwiip jém Caín. Quejpa iga wibic pixiñ porque Dios iwipictsonáy jém iofrenda. Mex caane jém Abel, hasta siip inmatpa iga tsam icupic Dios.

⁵ Como tsam iniit fe, jém Enoc icupic Dios. Siwiñ nanicta, da ca. Dam i ipát porque Dios ininic. Nim jém Dios inmati: “Antes que nanictap jém Enoc, iwat juuts Dios ixunpa.” ⁶ Pero da i wiap iwat juuts ixunpa Dios siiga da inij fe, siiga da icupicpa iga Dios wiap iyoxpát. Jém icunúcpáppic Dios tienes que icupicpa iga it, y iga Dios ichiiba jém wibic coñwiyooyi jém pixiñtam jém imétsyajpáppic.

⁷ Como tsam iniit fe jém Noé, cuando Dios icjodón̄a iga miñpa jém cosa jém ðapicnam quemán tánix, como tsam c̄iη, iwat tum barco iga iciacputyajpa jém iyomo y jém ichixtam. Con jeetim fe, jém iniitw̄ip jém Noé, ichiiba castigo itump̄iy jém ityajw̄ip ȳip naxyucmi. Jeeyucmi Dios ipictson̄ jém Noé juuts tum w̄ibic p̄ixiñ porque icupic iga Dios w̄iap iyoxpát.

⁸ Como tsam iniit fe jém Abraham, cuando in̄wejáy Dios, icupic, nic tum lugar jut Dios ijycámayñe iga ichiiba. Put de jém iticmi, aunque da ijodon̄ jut nicpa. ⁹ Como tsam iniit fe jém Abraham, nic iti como tum juum̄ipic p̄ixiñ jém tungac naxyucmi jém Diospic ijycámayñe. Jáy iti con jém Isaac y Jacob jém puctucticjom. Jeeyaj ipictson̄yaj̄tim jeetim promesa. ¹⁰ Porque jém Abraham tsam in̄jócpa jém atebet jém w̄iwatnew̄ip, jém iniitw̄ip w̄ibic base, jém arquitecto y jém iwatnew̄ip Dios mismo.

¹¹ Como tsam iniit fe jém Sara, icupicpatim. Tsami jém yomo, nasneum itienpo iga man̄iḡiypa, pero Dios iyoxpát iga man̄iḡiyiñ. Icnay tum jaych̄ixi porque icupic iga Dios iccupacpa juuts ijycámayñe. ¹² Jém Abraham tsam w̄idaya, caa-toobam, pero núc iga iniit tsam jáyan̄ iman̄ictam juuts jém matsa, jém itw̄ip sin̄yucmi, y juuts jém pooy, jém itw̄ip jém lamar an̄naca, da w̄iap tam-may.

¹³ Itump̄iy jém wiñ̄icpic p̄ixiñtam, jém icupicneyajw̄ip Dios, caayaj. Da iixyaj jém promesa jém ijycámayñew̄ip Dios iga ichiiba. Pero como tsam iniit fe, icupicyaj, juumi iixyaj

jém promesa. Tsam maymayyaj cuando iixyaj iga miñpa. Inimayyaj iga: “Ich da yimpic apixiñ. Ich juuts awidañaxi yip naxyucmi.” ¹⁴ Cuando ninyaj jempic, tsam wiquejpa iga imétsyajpa tungac nas jém imichipic. ¹⁵ Meega ijisyaj jém naxyucmi jut tsucumyaj, wiap ixetyaj eybic jemíc. ¹⁶ Pero ixunyajpa tum wibic naxyucmi, tum sinyucmic lugar. Jeeyucmi da tsaap jém tanjatun Dios cuando nimpa: Michtam anDios. Porque iwitsagáy tum atebet para jeeyaj.

¹⁷ Como tsam iniit fe jém Abraham, cuando cutitsta, inimiñ jém Isaac iga iccaaba juuts tum sacrificio. Iccaaba idic jém tumpic imaníc mex Dios ijycámayñe iga nay jém tsixi. ¹⁸ Nimayta jém Abraham iga por medio de jém imaníc Isaac, tsam anpicpa jém immanictam. ¹⁹ Jém Abraham iwijodon iga Dios wiap icpis jém caaneyajwip. Y como da ijic Dios iga iccaaba jém imaníc, wiap tanim iga jém Abraham eybic ipictson imaníc juuts tum acpisnetawip de jut it jém caaneyajwip.

²⁰ Como tsam iniit fe jém Isaac, icupic iga Dios wiap iyoxpát. Jeeyucmi ijycámáy imanictam jém Jacob y Esaú iga núcpa jama iga iwíwadáypa Dios. ²¹ Como tsam iniit fe Jém Jacob, icupic iga Dios wiap iyoxpát. Cuando caatooba ijycámáypa cada tumtum jém José imanictam iga iwíwadáyñ Dios. Teñchucum con ibaston jém wídaya iga inwejpátpa Dios. ²² Como tsam iniit fe jém José, icupic iga Dios wiap iyoxpát, jesic antes que caaba inímáy jém Israelpic pixiñtam iga ocmi putyajpa jém naxyucmi de Egipto. Pimíyyajta iga itajquímáyñ

ipac cuando putyajpa.

²³ Como tsam iniit fe jém Moisés ijatuj con iapa, icupicyaj iga Dios wíap iyoxpát. Cuando nay jém tsixi, ñec tres meses porque iix iga tsam wibic tsixi. Da icinyajpa jém orde, jém reypic ichiñe. ²⁴ Como tsam iniit fe jém Moisés, icupic iga Dios wíap iyoxpát, jesic cuando pixinñam, da ijíc iga imanigap jém Faraón iyommanic. ²⁵ Más iwianjam iga yaachwattaiñ con jém Dios ipixiñtam que iga maymáyp tum rato iga iwatpa juuts iwianjamyaj jém malopic pixinñtam. ²⁶ Ijis iga vale más iga yaachwattap jém Cristo icuyucmi que iga ipictsonpa itumpiy jém riqueza jém itwíip Egipto porque iix tum tsam wibic coñwyooyi jém Diospic ichiiba. ²⁷ Como tsam iniit fe jém Moisés, icupic iga Dios wíap iyoxpát, jeeyucmi put de jém naxyucmi de Egipto. Da icij jém Egiptopic rey iga agui jóyñe. Seguido iwatpa juuts iñímáy Dios, juuts jesic iixñe jém Dios jém dapic tánixpa.

²⁸ Como tsam iniit fe jém Moisés, icupictim iga Dios wíap iyoxpát. Iwat jém pascuasij. Ipimíy jém ipixiñtam iga icuxicsyajpa jém tic ipuerta con niipiñ iga cuando naspa jém sinyucmipic pixinñ, jém accaoypaap, da iccaaba ni tum jém Israelpic pixinñ icoponmanic. ²⁹ Como tsam iniityaj fe jém Israelpic pixinñtam, icupicyaj iga Dios wíap iyoxpát. Widanjacyajpa jém tsabats lamar juuts titsinaxyucmi. Pero cuando jém Egiptopic pixinñtam nasyajpa idic, jemt看 jicjicayaj.

³⁰ Como tsam iniityaj fe, jém Israelpic pixinñtam icupicyaj iga Dios wíap iyoxpát, jesic siete jama

icuwitxetyaj jém attebet Jericó, ocmi cujegáy jém tsaataañi. ³¹ Como tsam iniif fe jém yom Rahab, jém pejoyppápic idic, icupic iga Dios wiap iyoxpát. Da iwaganaca jém dapic icupicyaj, porque ñec jém wisten jém Israelpic pixin jém icuixyajwip jém naxyucmi de Canaán.

³² ¿Ti más wiap annim? Da anai tiempo iga anañmatpa de jém Gedeón, jém Barac, jém Sansón, jém Jefté, jém David, jém Samuel y jém wiñicpic profetayaj. ³³ Como tsam iniityaj fe, icupicyaj iga Dios wiap iyoxpát. Jesic icoñwiyyaj jém tunḡac naxyucmi, iwianjacyaj jém Dios ipixiñtam, ipictsonyaj jém promesa jém ijycamayñewip Dios, inñuc jém cañ ijip. ³⁴ Icpích jém jucti jém tsampic yótpa, cñputyaj iga accaayajtap con jém espada, chiñta pimi jém dapic iniñ ipimi, tsam iniityaj ipimi cuando añayajpa, ichicpoypa jém soldado jém tunḡac naxyucmipic. ³⁵ Algunos jém yomtam ipictson eybic imanic jém caanewip idic, acpisyajtawum.

Tunḡac jém Dios ipixiñtam matsta, tsam yaachwatta hasta accaata algunos. Y como da inñécpa iga icupicpa Dios, da i icutsigáypa. Iwatpa así iga ipictsonyajpa tum más wibic vida cuando pisyajpa jém caaneyajwip. ³⁶ Tunḡac más tsam saayiyta, tsam cótsta, tsenta con cadena, cotta cárcel. ³⁷ Tunḡac tsaanácscata, wiganajta icucmi con sierra, accaata con espada. Algunos oyyaj yim jeexic. Iccámneyaj jém borrego icuero y jém chivo icuero. Tsam yaachayaj. Tsam yaachwatta. Agui añyacneyaj iga tsam malwadayta. ³⁸ Yip pixinñtam vale más jém Dios iwiñjom que jém dapic

icupicyajpa Dios. Jáy siiyaj jém títst̄naxyucm̄i y jém cotsiganj̄o. Ityaj jém tsaajosj̄om y jém nasjosj̄om. ³⁹ Ni t̄um de jeeyaj da ipictson̄ jém ij̄ycámayñew̄iip Dios mex icupic̄ iga Dios w̄iap̄ iyoxpát̄ porque tsam̄ iniityaj fe. ⁴⁰ Porque Dios taj̄ispatim̄ taichtam̄ iga tachiiba t̄um más w̄ibic̄ cosa. Da iw̄iwadáypa jeeyaj hasta que taw̄iwadáypatim̄ taichtam̄ con jeeyaj.

12

Cotstap̄ jém Dios imanictam̄ iga más iw̄iwatyajiñ

¹ Jeeyucm̄i w̄ī iga tantsacpa jém tant̄ñca jém ts̄ampic̄ tacmalwatpa. W̄ī iga tanyaach̄iyiñ it̄ump̄iy cosa iga tan̄watt̄ampa juuts̄ ixunpa Dios porque tánix̄ iga jáyañ̄ jém wiñ̄icpic̄ pixiñtam̄ agui icupic̄neyaj iga Dios w̄iap̄ iyoxpát̄ juuts̄ tacuwoyx̄etne jém ucsi. ² W̄ī iga tánámmatspa jém Jesús jém tachiip̄áppic̄ jém fe. Ts̄am̄ tayoxpát̄ cuando moj tan̄cupic̄ Dios y seguido tayoxpát̄pa hasta tanaccupacpa. Ts̄am̄ maymay jém Jesús iga yaachwatt̄a cunusyucm̄i porque ij̄odon̄ iga asíam̄ icoñw̄íypa jém ienemigoyaj. Da tsaap̄ iga accaatā juuts̄ t̄um malopic̄ p̄ixiñ. Ocm̄i nic̄ coñī jém Dios itrono in̄w̄imi. ³ J̄istaamī iga agui iyaach̄iȳ jém Jesús cuando iyaachwatyaj jém malopic̄ pixiñtam̄. Jeeyucm̄i manním̄áypa: Odoy sopstaamī iga in̄watt̄ampa juuts̄ ixunpa Dios, odoy tsactaamī iga in̄cupic̄pa Dios. ⁴ Numa ts̄am̄ p̄imī m̄in̄jat̄ampa contra jém t̄ñca, pero hasta sīp̄ danam̄ m̄icteḡaȳ in̄ñ̄ipiñ. ⁵ ¿Que in̄jaamañnotneta iga Dios min̄quím̄

juuts mimanic? Nimpa así jém Dios inmatí jut jayñeta:

Mammanic, odoy jóycái cuando micótspa jém iñjatun Dios.

Yaachiyi cuando michiiba castigo iga incupiguiñ.

⁶ Porque jém tanjatun Dios iñuumanquimpa jém itoyyapáppic.

Icótspa itumpiy jém ipictsonpáppic juuts imaníc.

⁷ Yaachiytaami mimichtam cuando iññascaaba jém yaachaji. Asíam minquejáypa Dios iga inwíwadiñ. Miwixpa Dios juuts tum mimanic. ¿Que it tum tsixi da icótspa ijatun? ⁸ Pero siiga Dios da micótspa juuts iñascaaba itumpiy jém imanictam, jesic da je Dios mimanic. Michíypa juuts mipejpen. ⁹ Yíp naxyucmipic tanjatun tacótspa, pero da tajóypa, tanwixpa. Jesic más wí iga tancupicpa jém anjatun Dios jém dapic tánixpa, jesic tanaitpa jém vida. ¹⁰ Yíp naxyucmipic tanjatun tacótspa tum rato juuts je iwianjam. Pero jém tanjatun Dios tacótspa iga tayoxpátpa iga tanwíwattámiñtim juuts iwatpa je iga da tatáncaíypa. ¹¹ Numa tum pixon da iwianjam cuando cótstap. Jeefi rato tsam toypa. Pero ocmi siiga tancupicpa, tayoxpátpa iga tanwíwatpa, agui tamaymay.

Da wí tanimpa iga da para ti wí jém Dios inmatí

¹² Chi pimi jém inçi jém sopsnewip. Chi pimi jém inçoso jém dapic cámpa iteñ. ¹³ Numtsaci jém tun jut miwittámpa, jesic jém cuxujpic idic da putpa tunjom, pispá.

¹⁴ Wadaayi caso iga inwinanigáypa itumpiy jém pixonfam. Seguido wíwati juuts ixunpa Dios

porque jém dapic iwíwatpa da iixpa tanJatun Dios. ¹⁵ Nawattaji cuenta iga odoy in̄chaguiñ jém wibic an̄mañi iga Dios tayaachanjampa y tayoxpátpa. Odoy tsiyi ni tum de mimichtam juuts tum tichic tsampic tam jém in̄nayi. Imalwadáypa jáyan jém ityajwip jem. ¹⁶ Ni tum de mimichtam odoy pejoytaami ni odoy yamtsaayaji tum woñi. Odoy jóyixi jém Diospic im̄ichi juuts iwat jém Esaú. Por tum chima wíccuy icucac jém herencia jém im̄ichipic idic. ¹⁷ Michtam in̄wijodon̄tam iga cuando jém Esaú ipictson̄tooba titam ichiiba idic jém ijatun, da i ichi. Mex tsam wej jém Esaú, dam wia icucac ijixi iga imalwat. ¹⁸ Mimichtam da in̄cunúcta jém cotsic jém wíapaap tantsic juuts icunúcyaj jém Israelpic pixiñtam. Agui yótpa jém jucti, cupiicha. Ocmi más pimi piichi, agui pimi poypa jém sawa. ¹⁹ Mimichtam datim imaton̄ta jém trompeta in̄jyi ni jém Dios ijyi. Jém imaton̄yajwip icunucsayyaj iga odom más jíyiñ. ²⁰ Da wíap iyaachiyyaj titam in̄ímáy Dios. Nímayyajtá: “Siiga tum pixiñ ichicpa jém cotsic o tum animat, jesic náscataami tsaami o tipcatañ con capi.” ²¹ Tsam pimi ichigan̄jéc jém Moisés cuando iix. Tsam c̄npa. Nimpa: “Tsam pimi ac̄n̄ hasta acuetsáypa.”

²² Pero, mimichtam, in̄cunúcn̄etámum jém cotsic Sión, jém vivopic Dios iattebet, jém sin̄yucm̄pic Jerusalén, jut an̄tuuman̄eyaj tsam jáyan mil jém sin̄yucm̄pic pixiñtam ²³ iga icujípyajpa Dios. In̄cunúcn̄eum jut an̄tuuman̄eyaj jém Dios iman̄ictam jém icupicneyajwip Jesucristo jém accámayñeyajtawip in̄yi sin̄yucm̄.

Inċunúcnetaċum jém tanĴatun Dios, jém icĥipinĥáppic itumpiy pĥixiñtam, y hasta ĵut it jém wĥibic pĥixiñtam ianamayaj jém iwĥtsagayñeyajwĥip Dios. ²⁴ Inċunúcnetaċum jém Jesús jém tacupujpáppic con jém jomipic trato, y jém inĥipiñ jém tacuáyñewĥip. Tsam wĥi quejpa iga más wĥi que jém Abel inĥipiñ.

²⁵ Mimichtam, cupictaami titam tanġmadayta Dios, odoy jóyixi. Porque siiga da cĥiputyaj jém wiñicpic pĥixiñtam cuando anġmadayyajta yĥp naxyucmi, jesic mucho más mimichtam da micĥiputtámpa siiga da immatoñtámpa cuando Dios mijíyaytámpa dende siñyucmi. ²⁶ Wiñigam cuando jĥyapa Dios, agui tsigóyapa jém nas. Pero siĥp ijycámne, nĥimpa: “Eybic anactsigóyapa jém nas, pero da solamente jém nas, anactsigóypatim jém siñ.” ²⁷ Cuando nĥimpa: “Eybic anactsigóyapa”, tanġcutĥiyíyapa iga Dios iccáyapa jém tsigoypáppic, jém iwatnewĥip Dios, ichacpa jém cosa jém dapic tsigóyapa. ²⁸ Tatigiytámpa ĵut inġjacpa Dios ĵut da i ictsigóyapa, jeeyucmi tanchiitámpa gracia Dios. Tanġistámpa Dios juuts je iwĥanġam. Tantoytámpa y tanġiñtámpa. ²⁹ Jém tanĴatun Dios je tum mijpic ĵucti, nooquedóyapa.

13

Ti iwĥanġam Dios iga tanġwatpa

¹ Odoy tsaci iga minitoytamtap con inĥiwitam.

² Odoy ġamnooti iga inġwĥictsonpa jém miñyajpáppic juumi. Acwíctaami. Ĵempigam

algunos ipictsonyay jém sɨnyucmɨpic pɨxiñtam mex iga da ijodon.

³Jistaami jém presoyaj juuts miwagapajnetā con jeeyaj. Jistaami jém malwadayñetawɨp porque mimichtam iniittim jexpic mijtay. Wiaptim iññasca jempic.

⁴Itumpiy jém aɨcoomyñeyajwɨp wɨ iga napicyajtāp y da imalwatyajpa. Pero Dios ichiiba castigo jém ichayapáppic tungac yomo y jém pejoypaap.

⁵Odooy cusúniyi jém tumiñ. Maymáyajɨ con titam iniit sɨp porque nɨmpa Dios: “Da nunca mantsacpa iga manyoxpátpa. Da nunca michíypa incutum.” ⁶Wiap tanim:

Aɨwɨjodon iga Dios ayoxpátpa.

Da ti aɨciɨpa.

Da ɨ wiap amalwadáy.

⁷Jistaami ti iwatyaj jém pastoryaj, jém miɨmadayñewɨp jém Dios inmati iga tsam iwɨwatyaj y tsam iniityaj fe. Jempictim wɨcupictaami mimichtam iga Dios wiap miyoxpátta.

⁸Jém Jesucristo da cucacpa. Jeetim matic, jeetim yɨp jama y jeetim itumpiy tiempo. ⁹Odooy jɨci iga ɨ mimigóyáypa iga miɨquejáypa tungac aɨquímayooyi dapic jex juuts jém impictsonnewɨp. Más wɨ iga ipɨmchiiba iñanama jém Dios itóyooyi que iga taɨcútpa jém wíccuy juuts nɨmpa jém wiñicpic costumbre. Porque jém costumbre da tayoxpátpa iga taɨwatpa juuts ixunpa Dios.

¹⁰Taichtam tanait tum altar juɨ tsactā jém ofrenda, jém dapic wiap icútyaj jém yoxapáppic

yíp naxyucmipic masticjom. ¹¹ Jém cobacpic panijyaj icotyaj jém animat iñiipiñ jém cuarto jut it Dios. Ichiiba juuts tum ofrenda iga iccáyáypa jém pixiñtam itánca. Pero jém animat imijtay noaytap anšicmi de jém attebet. ¹² Jextim jém Jesucristo tsam yaacha, accaata anšicmi de jém attebet iga iccáyáy jém pixiñtam itánca con jém iñiipiñ. ¹³ Jesic tanictámpa anšicmi de jém attebet jut it Jesús iga tayaachwattamtañ. ¹⁴ Porque yíp naxyucmi da tanai tum attebet jém dapic cuyajpa. Pero tananjóctámpa jém attebet jém miñpáppic ocmi. ¹⁵ Jeeyucmi wi iga seguido tanjucjítámpa Dios por medio de Jesucristo. Cuando tanjucjítámpa Dios jex juuts tanchiiba tum sacrificio. ¹⁶ Odoy jamnooti iga inwíwadáypa jém iñtíwítam iga inyoxpátyajpa con títam iniit. Siiga inwatpa así jex juuts tum sacrificio jém iwianjampáppic Dios.

¹⁷ Cupici jém pastoryaj jém minmadaypáppic jém Dios inmati. Jici iga minjacpa porque Dios iccám juuts tum anjagooyi iga miwadáypa cuenta jém iñanama. Núcpa jama iga Dios icipinpa jém pastor siiga iwianjacne. Jesic maymay jém pastor siiga wiap iñimáy Dios iga inwíwatne. Pero siiga da inwíwatne, jesic anyácpa jém pastor. Siiga da incupicpa, jesic datim wi para mimich.

¹⁸ Anwejpatáami Dios para aichtam. Anwijodonjam iga da sip ammalwat. Siempre anwatpa juuts tum wibic pixiñ. ¹⁹ Manjunucsáypa iga ininwejpatátamiñ Dios para aich iga Dios ijicpa iga da jáyñe asetpa eybic jut miifta.

Anquímyajta jém pixiñtam

20 Siip Dios jém tachiiñewiip jém wibic jixi tánanamajom, jém icpisnewiip tánomi Jesucristo de jut it jém caaneyajwiip, je jém miipic pastor, tawatpa cuenta juuts taborrego, itegáy iñipiñ iga tawadáy jém jomipic trato jém dapic cuyajpa, 21 yíptim Dios miyoxpáttámpa iga michíyiñ juuts tum wibic mipixiñ iga da ti mitogóyáypa. Jesic wiap inwat itumpiy cosa juuts je ixunpa por medio de Jesucristo jém tanujíptampáppic siempre. Amén.

22 Mantiwitam, mancunucsáypa iga yaachiyi iga manajquímpa con yíp anmati, porque da juchan manjáyáy yíp toto. 23 Jodónaji iga jém tantiwitami Timoteo cutsigayñetawum. Siiga jobittim núcpa yim anwagananicpa cuando nicpa mánámta mimichtam.

24 Dioschitaami itumpiy jém pastor jém miñmadaytampáppic jém Dios inmati y itumpiy jém tantiwitam jém icupicneyajwiip Cristo. Jém miññeyajwiip de jém naxyucmi Italia micutsadaytámpa wati Dios.

25 Dios miwawadaytamiñ inñumpiytam. Amén. Jemum cuyaj.

**Jém jomipic trato jém iwatnewip tánomi
Jesucristo
New Testament in Popoluca, Highland**

copyright © 2009 Wycliffe Bible Translators, Inc.

Language: Popoluca, Highland

Translation by: Wycliffe Bible Translators, Inc.

Popoluca, Highland

poi

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoluca, Highland

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

da18b773-264a-519b-a8dd-012e48df725d